

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華中地方·第二二二號

據

清光緒四十年
林鶚等纂
輯本

影印

浙江省

分疆錄



成文出版社有限公司印行

Handwritten notes in the top left corner, including '1/20' and '2000'.

Handwritten number '482/05' on the left side.




中國方志叢書·華中地方·第二二二號

據
清光緒四十四年
清林鶚等纂輯
本輯

影印

浙江省

分疆錄



成文出版社有限公司印行

sk 82/65



069

中華民國六十四年 月壹一版

分疆錄

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

分疆錄

浙甌梅師古齋

大緒戊寅彫
望山堂臧板

序

吾溫郡志及各邑志惟樂清簡潔有體餘皆陋畧訛謬
百出固由兵燹迭經文殘獻闕亦主斯事者大抵奉檄
趣辦纂修採訪鮮得其人而又急於成書鹵莽滅裂而
不之顧此則官書之通病也泰順志修於雍正時荒穢
尤甚余老友林太冲廣文屢爲余道之後聞其有分疆
錄之作未脫稿而老病相尋遽歸道山矣蓋泰順設縣
始於明景泰三年分我邑之義翔鄉平陽之歸仁鄉合
而爲縣舊志區畫不明彼此牽混至斯錄所稱鄉賢祀
典之謬某大令借大工採木之名營私漁利而又欺飾

盜名自書勞績於冊使非有遺老流傳私家紀載其孰
從而知之更數百年清議久而愈湮不幾以佞爲賢以
貪墨爲循良三代直道不從此盡泯哉觀斯二者則舊
志之不足信者多矣廣文生於其鄉篤學博覽自少壯
時得見雍乾間老成碩彥多識故實而其好善不倦疾
惡如讐本於天性因而發憤爲此宜也況志之失修又
百四五十年於茲其間政刑之因革風俗之變遷衣冠
言行山林譔述歲有增積卽先代遺書殘刻久而後出
者間亦有之失此不圖後益難考亨甫名父子旁蒐博
證續成斯編誠繼志述事之大者也刻旣成郵寄余兄

敘

羅陽林太沖先生古之振奇人也於學無所不窺尤究
心當世之務嘗出佐粵西學使者幕會時事變起省垣
被圍當道者以守城功登荐牘銓補澱溪司訓適寇擾
浙東率諸生守禦其歸田也寇氛逼近鄉關先生年已
老命其子用霖督團扼隘堵截先後指授方畧境賴以
安見所著望山堂詩鈔中書實錄也生平著作甚夥尤
要者爲分疆錄一書秦邑自前明景泰間割瑞平二邑
之遠鄉設縣其華離之地志乘不詳遂致界址混淆人
物舛互先生憂之竭十數年心力條分縷析如指上羅

分置錄

序

原稿不清

紋可謂勤矣又以舊志主脩非人紀載失實恐年代久遠將有以非爲是以不肯爲賢者關係世道人心匪淺故發憤爲此排陷而廓清之使後之循志者有所據依嗚呼以先生而入史館其是非當不謬於聖人能爲一代信史無幾於後世信之不遺僅以區區一邑掌故之表見於世不亦宜乎哉讀父書踵成之以先志此不朽事也先生可無憾矣余故樂爲序之以後之讀是書者

光緒五年己卯秋七月知溫州府事枝江張盛藻序

張於金陵徵序余兄以文書彙年不暇為書以書
於鍾山講院

東甌郭博古

--	--	--	--	--

分類總目

音韻

原始

凡例

編圖

卷一 歐地上

星野

疆域

山川

卷二 歐地下

山川

古蹟

墓墓

風俗

物產

卷三 建置

城地

附街市

公署

學校

倉儲

水利

附井泉

津梁

卷四

卷五

一

原稿不清

監生 神學
監生 神學
監生 神學
監生 神學
監生 神學

卷四 職官

縣職 學職
縣職 學職
縣職 學職
縣職 學職
縣職 學職

武職 名官
武職 名官
武職 名官
武職 名官
武職 名官

卷五 選舉上

進士 舉人
進士 舉人
進士 舉人
進士 舉人
進士 舉人

卷六 選舉下

貢士 武舉
貢士 武舉
貢士 武舉
貢士 武舉
貢士 武舉

貢舉 武舉
貢舉 武舉
貢舉 武舉
貢舉 武舉
貢舉 武舉

貢舉 武舉
貢舉 武舉
貢舉 武舉
貢舉 武舉
貢舉 武舉

卷七 人物上

儒林

忠烈

名臣

宦業

風節

孝友

卷八 人物中

義行

文苑

鄉逸

寓賢

方技

人瑞

卷九 人物下

列女

孝婦
賢母

烈婦
壽母

貞節

卷十 雜誌

經籍

金石

軼事

分疆錄

卷之首

二

時變補遺

祥瑞

災異

卷十一藝文上

賦 序 記 議

說 銘 傳 碑文

卷十二藝文下

書 詩

分疆錄卷首

邑人林 鶚纂輯

男 用霖續編
同里董憲曾參校

原始

分疆錄何為泰順設縣著也縣設自前明景泰實分瑞
安平陽遠鄉合而有縣其初定界立治官書寥寥數語
而已初未有志錄則分猶未分也聞嘉靖有志未見其
書鄉前輩董霞樵先生云明萬曆間邑令王克家始有
修志之舉永嘉侯方伯二谷一元兄弟總其事序中語
泰順故有志其文蕪瑣今則并蕪瑣者而亡之矣萬曆
去景泰已遠文獻無徵特借題著書文理甚優事實疏

docsriver 文川网
入驻商家 古籍书城

在文川网搜索古籍书城 获取更多电子书

前錄板久失崇禎六年邑令涂鼎彝曾一修之而今並
無是書想因頻遭兵燹故無存者至雍正己酉去萬厯
又百餘年文獻益亡矣而縣令朱國源爲之志益簡且
陋或曰朱實卽崇禎舊稿而增改之然不可考證今書
雖存識者以爲有志如無志也後乾隆間某令與城給
移茶設局修志廣斂八都金錢以三百金與幕友之輩
筆者餘悉糜散吞沒而書不成乾嘉之交城中人才益
出曾復齋師家居十年品學兼優羣以此事屬望而令
非其人僉謀雖協迨人才凋謝時事日非更無倡議者
矣昔商夾之盛也藹平科甲興起出鄉無地無之矣商

善譜宜邑有詳志無如屢經兵燹世家式微文獻易亡
自分縣後復閱前明十世本朝七葉之久乃僅存此
簡陋無徵之雍正志自茲以往世變且未可知縱有鴻
儒志士惡能憑空結撰而爲之志哉余年七十有三矣
歸田無事不揣鄙陋姑就府志及瑞平志中山川人物
古蹟之在今泰順所分地者足之以耳目所及改老所
傳彙爲之書以爲它日縣志嚆矢歷敘吾鄉缺志之數
先以白余不得已之苦衷也部民僭妄之咎庶有能諒
而恕之者歟同治四年七月之望林鶚書於中山書院
之大雅堂

泰順所分地瑞安之義翔鄉平陽之歸仁鄉也實則
皆山谷而已其山自括蒼分支入境蔓衍廣袤南北
百二十里強東西倍之左隸瑞安界青田景寧右隸
平陽界福建之霞浦福鼎福安壽寧唐以前僻在荒
服中多老林供郡國材用而已實閩括間甌脫也至
唐始有山民燒畚闢壤漸興賦役及唐末之亂賦煩
役重民不堪命流亡入山者愈多則百落千村皆武
陵之槐源矣時藩鎮從衡強辟朝官爲佐於是閩越
有志之士挈家入山請於刺史烈山導泉墾田均賦
定界立戶始有義翔鄉五都十二里歸仁鄉三都六

里之目 義翔鄉五十六五十七五十八五十九六十

都前後入山著籍者凡十八大姓 義翔鄉如宮國夏

包箬陽毛池村池大住左嶺方羅峯董及宋南陽

仙居木棉徐葛陽陶歸仁鄉如夾嶼大安龜巖張箬

村四溪林陳陽陳夾嶼章峯蔡東

溪曾葉嶼陽葉周邊周皆見也 開山立業至今八

九百年子孫尚多聚族而居自宋以後生齒日繁文

物漸盛科甲肇興人才輩出至南渡之盛山中土著

遂多為瑞平世家巨族矣而後人修志書採訪者據

實呈局往往泥舊志駁歸瑞平二邑似分地不得分

人者泥建置之名遂沒其生長之實是謂魯鄒有孔

孟不得為曲阜嶧縣人也不已迂乎惜宋末地多殘

腥世家星散元末復遭寇擾文物愈衰遺黎流徙國籍散亡墟里荒涼習俗樸陋迨明祖掃穢定鼎斯民僅安耕鑿寂無顯者賴故家讀書知義蔚爲淳風自分縣後培養蕃息科甲雖稀庠序頗稱得人士習民風猶爲近古云

爲平之分爲泰順也事在前明景泰五年而所以分治之故不自景泰始也明初開礦各省民多苦之閩浙二省氣衰礦苗尤薄銀課不敷則均派民田計畝科納而民益病及言者諫上封禁奸民聚而不散遂多私商爭相仇殺官禁不行獎益不可勝言其時銀

礦之在閩界者曰馬尾曰馬頭曰黃社在平陽歸仁鄉者曰龜伏曰石門下曰淨水曰焦溪諸礦雖封禁處州礦徒仍復私開官兵至則潛藏去則復聚適朝廷有土木之變民心思亂福建沙寇鄧茂七流入甌括竄據官臺山焚掠近山諸邑羅陽尤受其害時閩有某千戶搜礦礦徒拒捕戕官遂退聚羅陽言回括率衆至平陽借糧官兵圍捕遂蟠據羅陽自白溪至交陽口稱十八社溫郡調官兵入山勦之諸社設伏交陽口山兵入遇伏盡殲無一還者景泰元年布政使孫公原貞始調大兵按察使軒公輓駐莒岡先

經羅陽義民董永達董永遠

舊志有董承遠另是一人

在孫公處

控告處士林國復詣轅獻策乃檄羅陽潘尹序華峰

張元高陽劉承鐸等協力撫諭礦徒以攻沙寇入山

擄巢官兵繼之一鼓殲旃餘寇悉平孫公以二鄉地

廣民稀嶺峻林密慮終為盜區乃於景泰三年奏准

分疆設縣立治羅陽至嘉靖始為之城此泰順有縣

之緣起也

分疆錄凡例

一斯錄之作不得已也曷爲不得已以志書失修恐愈久而文獻益亡也志曷爲久不修前志誤之也前志主者非人數月之間倉猝而成採訪旣多疎漏筆墨尤爲庸俗鄙陋穢褻不堪卒讀當時譏者旣隱忍不敢言後之有心者雖欲改而難舉故至百四十餘年迄不能修在乾嘉之盛且然自茲以往恐愈難矣以此不揣固陋勉爲實錄冀他日修志以此爲老馬之導知我罪我在後之有識者

一凡志書類有圖繪茲不及備僅將用霖杜繪開方

一圖並圖說附綴於卷

一分疆首重輿地邑雖偏在郡西星野纏度僅差分
數茲遵郡邑各志畧加攷證分古測今測著於圖
一疆土以山川定界舊志列山川錯雜無紀且
在秦轄府志仍誤載於瑞平茲錄並加訂正
於寶川流則就入瑞入閩二派溯源別流詳
晰古蹟冢墓列後凡有題詠各附本題之下

一邑地舊在平陽歸仁鄉者三都在瑞安義翔鄉者
五都設縣後雖仍作八都其間犬牙交錯不無互
易處茲錄分列四隅十三圖所屬村庄各庄之下



分別註明某地舊屬義翔鄉第幾都某地舊屬歸
仁鄉第幾都而各地仍依舊名具見古今地名辨
一邑在閩括之交風俗不無龐襍然倫紀典常尙有
足述舊志失之太畧茲分別而詳晰之以見風土
與世道人心相維係其間興降之故可默會焉
產卽附其後

一建置自設縣至今遞有興廢舊志已載者仍
附會者闕之其在近時踵增者備書於卷他日修
志可與舊志互參倘有缺畧仍可補入若附載諸
款各以類從有題詠亦附焉以便緝閱



一賦役舊志已經詳載以後或增或裁具有全書則例綦嚴恐有差誤不敢妄綴他日修志考之宜書可也

一官師爲一邑之長自宜詳載奈自雍正六年以後惟歷任學師尙有題名可稽若縣職佐職營生等任姓名已難確紀今祇就故老流傳及他所紀與身所及見者不分實在署缺彙列於卷三六六序次亦難盡悉尤恐尙多遺佚他日修志宜於六房檔案求之或能詳審至於名宦舊志有傳者三二以後確有惠政及民遺愛足述者凡七十二

平日聞之前輩老成及近今羣所咸頌者因爲之
傳備綴於卷

一選舉爲文物出身之始紀載自宜詳明舊志類多
舛漏茲經旁參互證詳加攷核譌者正之遺者補
之科目仍照朝制分列其所產之地歷官之次
及有見於他書者並於名下著明若有刊誤卽附
其後而軍功賞叙封蔭亦彙存焉

一人物爲間出之英典型所屬不可泯沒亦不宜濫
廁必其德業行誼確有可述而品第亦各有不同
自宜分別紀錄舊志旣多混列且有冒濫而當入

docsriver 文川网
入驻商家 古籍书城

在文川网搜索古籍书城 获取更多电子书

者反多遺漏茲就宋明以還先正中審其品誼
徵博引參互考證或仍或補各以類從入祀鄉
者卽附詳於本傳至乾嘉以來諸人多平日
先輩月旦父老口碑及通儒傳贊所述善蹟
乃爲登載不敢稍存已見識者當自知之

一閩賢節烈吾邑頗多茲有補入宋明時人皆
各族世傳確有實行可徵其舊志所載亦有
給扁無建坊者仍舊錄之其在晚近不論已
旌亦並收入若賢母而有實行可徵者亦並
爲女士式但山陬僻壤訪未及徧倘有遺漏

時尙望細訪以補不逮

一舊志選舉人物各卷如董甲溪鄭立七之類舍其名而書字及行第者頗多茲悉改正他日修志幸勿再誤

一志錄例有襍志一門亦人事得失之徵舊志載時變脫畧失實茲經博採旁證且加詳焉惟祥異久遠難得其實姑就見聞所及錄之若遺聞有足述者別爲軼事附於卷中

一經籍爲著作之林吾邑僻在深山頻遭兵燹昔賢專家之書久已失傳間有一二存者或在外省及

分疆錄

卷之首

凡例

四